

MEDIA24 BEHEREND EIENDOMS BEPERK

(In die Republiek van Suid-Afrika geïnkorporeer)

(Registrasienommer: 2006/021408/07)

(Media24)

OORSIG

Media24 het die afgelope boekjaar 'n sterk finansiële prestasie gelewer. Omset van R8,1mjd was 2% swakker, maar handelswinst van R400m was 62% hoër as die vorige jaar. Advertensie- en sirkulasie-inkomste uit drukmedia het verder gedaal – deels as gevolg van strukturele verskuivings en deels weens die swak Suid-Afrikaanse ekonomie – maar kostebesnoeiings in die volwasse drukmediabedrywigede het handelswinst 'n hupstoot gegee. Verdere inisiatiewe word onderneem om die kostebasis te verklein en ons belê steeds om groei in ons digitalemediabedrywigede deur 24.com, in ons aanlynmodebesigheid (e-mode), Spree, en in ons aanlynwerwingsportaal, Careers24, te dryf. Media24 se drukmediabedrywigede kry steeds die wind van voor, met 'n bedrukte ekonomiese klimaat, al strammer verbruikersbesteding en 'n onbestendige wisselkoers wat bydra tot die uitdagings. Ons verwag dat die plaaslike handelsomgewing taai sal bly. Media24 sal waarskynlik nie die huidige verdiensteprestasie op die kort tot medium termyn kan volhou nie.

BEDRYFSOORSIG

Die **Nuus**-afdeling het 'n sterk handelswinst aangeteken, hoewel dit grootliks te danke was aan voortgesette kostesparings te midde van moeilike bedryfstoeleë. Die afdeling het die advertensie- en sirkulasie markleier gebly. Daily Sun het weereens goeie wins gelewer en Soccer Laduma se bestendige vertoning het gehelp om dalende sirkulasies teen te werk. Plaaslike titels het dubbelsyfer-wingsgroei getoon.

Media24 Leefstyl (voorheen die tydskrifafdeling) het winsverwagtings oortref, met stewige bydraes deur die kontrakuitgewer New Media Publishing en ons portefeulje maandlikse tydskrifte. Ons totale markaandeel gemeet aan leserstal het bestendig gebly op sowat 80% (AMPs), en ons het ons advertensie- en sirkulasie markleierskap (drukmedia en digitaal) onder die topvyf-uitgewers in die bedryf behou. 75% van toegang tot ons digitale platforms word nou via mobiele toestelle verkry.

Die nuus- en vermaakportaal **24.com** het sy reikwydte uitgebrei en lok nou meer as 13m maandlikse unieke gebruikers oor sy mobiele en webplatforms heen. Meer as 77% van die totale verkeer kom nou via mobiele blaaiers en apps. Ons digitale vlagskip, News24, bly Afrika se gewildste gratis nuus-app op beide iOS en Android. Die Afrikaanse digitale bestemming, Netwerk24, groei vinnig.

Ons **Boeke**-afdeling het sy leiersposisie onder plaaslike uitgewers in die handelsmark verstewig. Verkope van gedrukte boeke was goed, terwyl e-boekverkope in ooreenstemming met internasionale tendense afgeplat het. Plaaslike skoolboekbestellings het gedaal, maar bestellings van skole in Botswana was hoër as die vorige jaar. Van Schaik het ondanks wisselvalligheid in die akademiese mark goeie resultate behaal. Ons het die boekklubbesigheid Leserskring/Leisure Books gedisinvesteer.

Careers24 het, gemeet aan sleutelmatastawwe, goeie groei getoon in 'n mededingende mark. Ons bied nou spogblaai vir werkgewers en maatskappy-resensies om die waarde-aanbod aan werkgewers en werksaekers te verbeter.

Ons aanlynmodebesigheid, **Spree**, het nog internasionale handelsmerke bygekry en goeie groei getoon gemeet aan kopers, verkope en ander kernmaatstawwe. Die Android- en iOS-apps het goed gevaar sedert hulle einde 2015 bekend gestel is. On the Dot se **e-ervullingsdiens** (nou deel van ons **e-handelafdeling**) het nuwe kleinhandelkontrakte beklink en gaan voort om in laastemyl-aflewering te belê ten einde gebruikers se ervaring te verbeter.

Die finansiëledata-onderneming **INET BFA** het 'n nuwe weergawe van sy vlagskipplatform, IGraph, suksesvol ontplooi en verkope van sy globale Fronteer-platform in Suid-Afrika en Afrika suid van die Sahara verdubbel.

Ons gaan voort met inisiatiewe om krimpde drukmediavolumes by On the Dot se **medialogistiek**-afdeling teen te werk.

Novus Holdings het bevredigende resultate in sy kernrukbesigheid behaal en sy eerste digitale drukkerij, Novus Print Solutions, op die been gebring. Die groep het investering in sy diversifiseringsprogram verhoog en die mark vir gedrukte buigsame verpakkingsmateriaal betree. As deel hiervan is 'n nuwe diepdruk-rolpers vir verpakkingsmateriaal suksesvol in bedryf gestel. Die uitbreidingsprojek vir sneepsapiervervaardiging vorder goed.

DIREKSIE

Op 30 Junie 2015 het Lourens Jonker en Steve Pacak uitgetree as direkteure van Media24 en Media24 Eiendoms Beperk. Die direksies bedank hierdie direkteure graag vir hul waardevolle bydrae tot en toewyding aan Media24. Koos Bekker en Trevor Petersen is onderskeidelik vanaf 1 April 2015 en 1 Julie 2015 as direkteure aangestel. Kort biografiese besonderhede van alle direkteure is op Media24 se webwerf beskikbaar.

FINANSIËLE OORSIG

Die groep se gekonsolideerde omset vir die jaar het met 2% tot R8,1mjd gedaal. Inkomste uit drukwerk was 3% hoër, hoofsaaklik weens bykomende derdepartykontrakte wat deur Novus Holdings verkry is. Die groep se fokus om sy inkomste uit nie-drukmedia te verhoog, het verdere stukrag gekry met wesenlike bydraes afkomstig van e-handelbedrywigede (+31%), digitale advertensies (+11%), digitale intekenings (+68%), ons nuwe leefstyl-TV-kanaal, VIA, en Novus Holdings se belegging in sneepsapieraanlegte (+23%).

Advertensie-inkomste het met 7% gedaal, in ooreenstemming met die mark, weens die verskuiving weg van drukmedia en 'n lustelose ekonomie. Inkomste uit drukmedia-sirkulasie het met 11% afgeneem. Intekenaarinkomste by drukmedia word steeds deur die onstabiele posisies belemmer. Inkomste uit boekuitgewery en -verkope het met 4% gegroei, gerugsteun deur 'n sterk plaaslike uitgewerslyst by Jonathan Ball Publishers (22%-groei jaar tot jaar) en groot skoolboekbestellings in Botswana. Dit is egter teengewerk deur 'n skerp daling in skoolboek- en boekklubinkomste in Suid-Afrika.

Gekonsolideerde handelswinst het met 62% tot R400m gestyg. Aansienlike kostebesparings in al ons drukmediabedrywigede en omsigtige besteding by ons groeibesigheid het ruimskoots verhoog vir dalings in omset. Novus Holdings het sy handelswinst met 7% opgestoot. On the Dot, ons logistiekafdeling, asook ons Boeke-afdeling het 'n stewige ommekeer getoon, terwyl die Nuus-afdeling se handelswinst met 13% gestyg het. INET BFA het ook sy handelswinst verhoog danksy kostevermindings. Kostebesnoeiings om laer inkomste in ons tradisionele drukmediaportefeulje teen te werk, was steeds 'n sleutelfokuspunt regdeur die groep.

Die groep gaan voort met beduidende beleggings in digitale media, e-handel, aanlynwerwingsadvertensies en ander groeigeleenthede om bedrywigede te diversifiseer. Dit het 'n gepaardgaande kort- tot medium-termynimpak op winsgewendheid.

Die groep se vrye kontantvloei het byna verdubbel teenoor die vorige finansiële jaar. Bydraende faktore was die 20% hoër handelswinst (aangepas vir nie-kontantiteme); die sterk fokus op bedryfskapitaal, wat inflouie met 38% verbeter het; en laer kapitaalinvestering. Dit is gedeeltelik teengewerk deur hoër belasting en laer beleggingsinkomste. Ons program om die vlakke van belegging in bedryfskapitaal in al die afdelings te optimaliseer, bly 'n sleutelfokusgebied.

DIVIDEND

Die direksie beveel aan dat 'n dividend van R39,3m verklaar en aan aandeelhouders betaal word. Dit is onderhewig aan goedkeuring deur die aandeelhouders by die algemene jaarvergadering op 29 Augustus 2016.

WELKOM YIZANI

Welkom Yizani, wat in 2006 as Media24 se breedgebaseerde swart ekonomiese bemagtigingskema op die been gebring is, het sy aandeel in 2013 begin verhandel. Bestaande aandeelhouders kan hul aandeel verhandel. Novus kwalifiserende aandeelhouders aandeel aanlyn of deur Welkom Yizani se inbelsentrum kan koop. As voorkeuraandeelhouer in Welkom Yizani het Naspers Beperk die afgelope jaar ingestem om 32 855 569 voorkeuraandeel in Welkom Yizani teen nominale waarde af te los, met die gevolg dat Welkom Yizani se verpligtiging teen jaareinde verminder is met R382 431 843, met 'n ooreenstemmende beperking van Welkom Yizani se toekomstige verpligtiging teenoor Naspers as voorkeuraandeelhouer.

In 2014 het die Registrateur van Sekuriteitsdiens (die Registrateur) aangedui dat alle tradisionele toonbank-verhandelingsplatforms soos Welkom Yizani hul bedrywigede ingevolge die Wet op Finansiële Markte, 2012 moet reguliseer. Welkom Yizani bou voort op die positiese skakeling wat hy tot dusver met die Registrateur gehad het en bly verbind tot voldoening aan enige aanwysings of voorwaardes wat deur die Registrateur uitgereik word. Op 31 Maart 2016 het Welkom Yizani 92 419 aandeelhouders gehad.

Welkom Yizani se algemene jaarvergadering word op 29 Augustus 2016 gehou. Die Welkom Yizani-direksie beveel aan dat 'n gewone dividend van R5,8m (2015: R4,3m) aan gewone aandeelhouders verklaar word. Dit beteken 'n dividend van 40 sent per gewone aandeel (2015: 29,4 sent per gewone aandeel) voor dividendbelasting. Geen voorkeuraandeeldividende sal verklaar word nie (2015: 46,6 sent per voorkeuraandeel). Na aftrekking van dividendbelasting sal gewone aandeelhouders van Welkom Yizani 'n netto dividend van 34 sent per gewone aandeel (2015: 25 sent per gewone aandeel) ontvang. Die verklaaring van dividend is onderhewig aan goedkeuring deur die aandeelhouders by die algemene jaarvergadering op 29 Augustus 2016.

AANBIEDINGSGRONDSLAG

Die opgesomde gekonsolideerde finansiële state is opgestel uit die volledige stel geouditeerde finansiële state vir die jaar geëindig 31 Maart 2016. Laasgenoemde is opgestel in ooreenstemming met Internasionale Finansiële Verslagdoeningstandaarde (IFRS) en die Internasionale Finansiële Verslagdoenings- en Interpretasiekomitee (IFRIC) se interpretasies wat uitgereik en van krag was, of uitgereik en vroeg aanvaar is, en op die wyse wat deur die Suid-Afrikaanse Maatskappywet 71 van 2008 vereis word. Die opgesomde gekonsolideerde finansiële state moet saamgelees word met die volledige stel geouditeerde gekonsolideerde finansiële jaarstate. Hierdie rekeningkundige beleid is konsekwent toegepas op al die jare wat weergegee word, tensy anders vermeld.

Handelwinst sluit amortisasie van ontasbare bates (behalwe sagteware), ander winste of verliese en ekwiteitsvereffende aandeelgebaseerde vergoedingskoste uit. Kernwesensverdiensle sluit eenmalige en nie-bedryfsiteme uit. Na ons mening is dit 'n nuttige maatstaf van die groep se volhoubare bedryfsprestasie. Dit is egter nie 'n omskree term ingevolge IFRS nie en is nie noodwendig vergelykbaar met maatstawwe met soortgelyke name wat deur ander maatskappy in hul verslae gebruik word nie.

Die finansiële resultate is opgestel onder toetsing van Abduraghaman (Manie) Mayman, finansiële hoof van die Media24 Beherend-groep.

Die volledige finansiële jaarstate is beskikbaar op Media24 se webwerf, www.media24.com.

VERSLAG VAN DIE ONAFHANKLIKE OUDITEUR

Hierdie aankondiging oor die jaarresultate is geaudit deur PricewaterhouseCoopers Geïnk, geregistreeerde ouditeur. Hul ongekwalifiseerde outditinging is op aanvraag gedurende gewone kantoorure by die maatskappy se geregistreeerde kantoor beskikbaar (kontakpersoon: Abduraghaman (Manie) Mayman). Enige verwysing na toekomstige finansiële prestasie in hierdie aankondiging is nie deur PricewaterhouseCoopers Geïnk, nagegaan nie en hulle het nie daarvoor verslag gedoen nie.

Namens die direksie

Rachel Jafta <i>Voorsitter</i>	Esmaré Weideman <i>Uitvoerende hoof</i>
Kaaipstad 24 Junie 2016	
Direkteure R C C Jafta (voorsitter), E Weideman, G M Landman, S S de Swardt, D Meyer, H S S Willemsse, J C Held, A Mayman, J P Bekker, T D Petersen	
Groepmaatskappyseekretaris L J Klank	
Geregistreeerde kantoor Heerengracht 40, Kaaipstad 8001 (Posbus 2271, Kaaipstad 8000)	
Oordragsekreteraris Equity Express, 'n afdeling van Singular Systems (Edms) Bpk Corlettrylaan 71, Birnam 2196 (Posbus 1266, Bramley 2018)	

GEKONSOLIDEERDE STAAT VAN WINS OF VERLIES

	Jaar geëindig 31 Maart	
	2016 Geouditeer R'm	2015 Geouditeer R'm
Omset	8 116	8 250
Koste om dienste te lewer en goedere te verkoop	(5 549)	(5 739)
Verkoops-, algemene en administratiewe uitgawes	(2 213)	(2 273)
Ander verliese	(70)	(115)
Bedryfswins	284	123
Rente ontvang	31	20
Rente betaal	(23)	(113)
Ander finansieringskoste	(23)	(48)
Belang in ekwiteitsverantwoorde resultate van geassosieerde maatskappye	(2)	(2)
Belang in ekwiteitsverantwoorde resultate van gesamentlike ondernemings	22	29
Winst met verkrygings en verkope	34	-
Winst voor belasting	323	9
Belasting	(220)	(128)
Winst/(verlies) vir die tydperk	103	(119)
Toeskryfbaar aan:		
Aandeelhouders van die groep	(79)	(163)
Nie-beherende belang	182	44
	103	(119)
Kernwesensverdiensle/(verlies) vir die jaar	21	(50)
Wesensverlies vir die jaar	(45)	(73)

REKONSILIASIE VAN BEDRYFSSWINNEN MET HANDELSWINNEN

	Jaar geëindig 31 Maart	
	2016 Geouditeer R'm	2015 Geouditeer R'm
Bedryfswins	284	123
Amortisasie van ontasbare bates	11	9
Aandeelgebaseerde vergoeding – ekwiteitsvereffen	35	-
Ander verliese	70	115
Handelswinst	400	247

VERKORTE GEKONSOLIDEERDE STAAT VAN OMVATTENDE INKOMSTE EN VERANDERINGEN IN EKWITEIT

	Jaar geëindig 31 Maart	
	2016 Geouditeer R'm	2015 Geouditeer R'm
Saldo aan die begin van die tydperk	3 424	2 335
Verlies vir die tydperk	(79)	(163)
Totale ander omvattende inkomste/(verlies), na belasting, vir die tydperk	6	(27)
Kontantvloeienskane	3	(6)
Aktuariële hermetingsreserwe	1	(24)
Beweging in ander reserwes	3	1
Belasting op ander omvattende inkomste	(1)	2
	(233)	326
Veranderings in ander reserwes	25	8
Beweging in aandeelgebaseerde vergoedingsreserwe	(4)	463
Beweging in bestaandebeheer-besigheidsamevoegingsreserwe	(9)	-
Beweging in behoue verdienste	(245)	(145)
Dividende aan aandeelhouders betaal	73	953
	184	44
Veranderings in nie-beherende belang	(91)	(28)
Totale omvattende inkomste vir die tydperk	(20)	937
Dividende aan nie-beherende belanghebbendes betaal		
Beweging in nie-beherende belang in reserwes		
	3 191	3 424
Saldo aan die einde van die tydperk	3 191	3 424
Bestaande uit:		
Aandeelkapitaal en -premie	4 867	4 867
Behoue verdienste	(558)	(224)
Aandeelgebaseerde vergoedingsreserwe	96	70
Bestaandebeheer-besigheidsamevoegingsreserwe	(3 584)	(3 580)
Kapitaalbydrae	1 077	1 077
Verskansingsreserwe	(3)	(5)
Aktuariële hermetingsreserwe	(22)	(23)
Valuta-omrekeningsreserwe	23	20
Nie-beherende belang	1 295	1 222
Totaal	3 191	3 424

VERKORTE GEKONSOLIDEERDE STAAT VAN FINANSIËLE POSISIE

	Jaar geëindig 31 Maart	
	2016 Geouditeer R'm	2015 Geouditeer R'm
BATES		
Nie-bedryfsbates	3 362	3 435
Bedryfsbates	2 608	2 669
Totale bates	5 970	6 104
EKWITEIT EN LASTE		
Kapitaal en reserwes	3 191	3 424
Nie-bedryfslaste	535	608
Bedryfslaste	2 244	2 072
Totale ekwiteit en verpligtiging	5 970	6 104

VERKORTE GEKONSOLIDEERDE KONTANTVLOEIESTAAT

	Jaar geëindig 31 Maart	
	2016 Geouditeer R'm	2015 Geouditeer R'm
Kontantvloei gegeneer uit bedryfsaktiwiteite	654	435
Kontantvloei aangewend in beleggingsaktiwiteite	(331)	(477)
Kontantvloei (aangewend in)/gegeneer uit finansieringsaktiwiteite	(296)	968
Netto beweging in kontant en kontantekwivalente	27	926
Valuta-omrekeningseffek	1	-
Kontant en kontantekwivalente aan die begin van die tydperk	491	(435)
Kontant en kontantekwivalente aan die einde van die tydperk	519	491

BEREKENING VAN WESENS- EN KERNWESENSVERDIENSTE

	Jaar geëindig 31 Maart	
	2016 Geouditeer R'm	2015 Geouditeer R'm
Netto verlies toeskryfbaar aan aandeelhouders	(79)	(163)
Aangesuiwer vir:		
- Waardedaling van klandisiewaarde/ander bates	71	124
- Wins met verkoop van eiendom, aanleg, toerusting en ontasbare bates	(3)	(5)
- (Wins)/verlies met verkoop van beleggings	(32)	1
Totale belastingeffek van aansuiwerings	(1)	(23)
Totale aansuiwering vir nie-beherende belang	(1)	(7)
	(45)	(73)
Wesensverlies	(45)	(73)
Aangesuiwer vir:		
- Amortisasie van ontasbare bates (sagteware uitgesluit)	12	9
- Valutawissel	30	17
- Billikewaarde-aansuiwering op verkoopanspreeklikheid	-	(3)
- Ekwiteitsvereffende aandeelgebaseerde betalingskoste	24	-
Kernwesensverdiensle/(verlies)	21	(50)



VERSLAG VAN DIE ONAFHANKLIKE OUDITEUR OOR DIE OPGESOMDE GEKONSOLIDEERDE EN ENKEL FINANSIËLE JAARSTATE

AAN DIE AANDEELHOUERS VAN MEDIA24 BEHEREND EIENDOMS BEPERK

Die opgesomde gekonsolideerde en enkel finansiële state, wat bestaan uit die opgesomde verkorte gekonsolideerde en enkel state van finansiële posisie soos op 31 Maart 2016, die opgesomde gekonsolideerde en enkel inkomstestate, en die opgesomde gekonsolideerde en enkel state van kontantvloeï vir die jaar wat op daardie datum geëindig het, is opgestel uit die geouditeerde gekonsolideerde en enkel finansiële state van Media24 Beherend Eiendoms Beperk vir die jaar geëindig 31 Maart 2016. Ons het 'n ongekwalfiseerde ouditmening uitgespreek oor die gekonsolideerde en enkel finansiële state in ons verslag van 17 Junie 2016. Ons ouditverslag oor die geouditeerde gekonsolideerde en enkel finansiële state bevat 'n paragraaf "Ander verslae wat deur die Maatskappywet vereis word" (sien hieronder).

Die opgesomde gekonsolideerde en enkel finansiële state bevat nie alle openbaarmakings wat deur die Internasionale Finansiële Verslagdoeningstandaarde en die Suid-Afrikaanse Maatskappywet met betrekking tot finansiële jaarstate vereis word nie. Die lees van die opgesomde gekonsolideerde en enkel finansiële state kan dus nie as 'n vervanging van die lees van die geouditeerde gekonsolideerde en enkel finansiële state van Media24 Beherend Eiendoms Beperk beskou word nie.

Direkteure se verantwoordelikheid vir die opgesomde gekonsolideerde en enkel finansiële state

Die maatskappy se direkteure is verantwoordelik vir die opstel van 'n opsomming van die geouditeerde gekonsolideerde en enkel finansiële state ooreenkomstig die vereistes van die Suid-Afrikaanse Maatskappywet soos van toepassing op opgesomde finansiële state, en vir sodanige interne beheer wat die direkteure nodig ag vir die opstel van finansiële state wat vry is van wesenlike wanvoorstelling, hetsy weens bedrog of foute.

Ouditeur se verantwoordelikheid

Dit is ons verantwoordelikheid om 'n mening oor die opgesomde gekonsolideerde en enkel finansiële state uit te spreek op grond van ons prosedures, wat ooreenkomstig Internasionale Ouditstandaard (ISA) 810 "Aanstellings om oor Opgesomde Finansiële State verslag te doen", uitgevoer is.

Mening

Na ons mening is die opgesomde gekonsolideerde en enkel finansiële state in alle wesenlike opsigte in ooreenstemming met die geouditeerde gekonsolideerde en enkel finansiële state van Media24 Beherend Eiendoms Beperk vir die jaar geëindig 31 Maart 2016, waaruit dit opgestel is, ooreenkomstig die vereistes van die Maatskappywet van Suid-Afrika soos van toepassing op opgesomde finansiële state.

*PricewaterhouseCoopers Geïnk., Waterhouse Place, Nr. 1, Century City 7441, Posbus 2799, Kaapstad 8000
T: +27 (21) 529 2000, F: +27 (21) 529 3300, www.pwc.co.za*

Hoof Uitvoerende Beampte: T D Shango
Bestuurskomitee: T P Blandin de Chalain, S N Madikane, P J Mothibe, C Richardson, F Tonelli, C Volschenk
Wes-Kaap streek – Vennoot-in-beheer: D J Fölscher
Die Maatskappy se besighedsadres is te Eglinweg 2, Sunninghill, waar 'n lys van die direkteure se name ter insae is.
Reg-nr. 1998/012055/21, BTW reg-nr. 4950174682



Ander Verslae wat deur die Maatskappywet vereis word

Die paragraaf “Ander verslae wat deur die Maatskappywet vereis word” in ons ouditverslag van 17 Junie 2016 verklaar dat ons, as deel van ons oudit van die gekonsolideerde en enkel finansiële state vir die jaar geëindig 31 Maart 2016, die direkteursverslag en die ouditkomitee se verslag gelees het om te bepaal of daar wesenlike teenstrydighede tussen hierdie verslae en die geouditeerde gekonsolideerde en enkel finansiële state bestaan. Hierdie verslae is die verantwoordelikheid van die betrokke opstellers. Die paragraaf “Ander verslae wat deur die Maatskappywet vereis word” verklaar dat ons, op grond van die lees van hierdie verslae, nie wesenlike teenstrydighede tussen hierdie verslae en die geouditeerde gekonsolideerde en enkel finansiële state geïdentifiseer het nie. Die paragraaf verklaar verder dat ons nie hierdie verslae geoudit het nie, en dus nie ’n mening oor hierdie verslae uitspreek nie. Die paragraaf “Ander verslae wat deur die Maatskappywet vereis word” het nie ’n uitwerking op die opgesomde gekonsolideerde en enkel finansiële state of ons mening daaroor nie.

A handwritten signature in black ink that reads "PricewaterhouseCoopers Geïnk".

PricewaterhouseCoopers Geïnk.

Direkteur: H Zeelie

Geregistreerde ouditeur

Kaapstad

17 Junie 2016